

Gryphius, Andreas: Auff Herrn Gottfried Eichhorns JC. vnnd Jungfraw Rosinæ

- 1 Ob gleich der weisse Schnee jtz Berg vnd Thal bedeckt/
- 2 Vñ manch geschwinder Fluß zeucht einen Harnisch an/
- 3 In dem Er sich des Zorns der Kälte wehren kan/
- 4 Vor welcher jeder Baum steht gantz vnd gar erschreckt.
- 5 Ob gleich der bleiche Frost die scharffe Seenß außrecket/
- 6 Vñ alle Blümlin fält/ so
- 7 Der Erden vmb vnnd vmb zuvor hat sehen lan/
- 8 Hat doch die Lieb in Euch ein grosses Fewr erwecket/
- 9 Herr Gottfrid/ vnnd darzu noch eine Rose bracht/
- 10 Daß Ihr des Winters schärff vnd rasen sicher lacht!
- 11 Woll Euch/ vnd aber wol! ist was das Ihr begehren
- 12 Noch mehr vom Himmel mögt/ wenn Euch zu dieser Zeit
- 13 So schöne Rosen sind mit solcher wärm bereit/
- 14 Wird Euch der Herbst gewiß viel schöner Früchte geben.

(Textopus: Auff Herrn Gottfried Eichhorns JC. vnnd Jungfraw Rosinæ Stoltzin Hochzeit. Abgerufen am 23.01.2026 von